

Nancy Ramos na Aruba! Den concierto “Hey...ta Pasco!”



FOR di comienso di e temporada cu e famoso artista local Edjean Semeleer a lansa su campaña di fin dia aña, e tabata sorprende tur hende cu sorpresanan masha agradabel. Nos tur por corda grandioso lansamento di su disco compacto riba Renaissance Festival Plaza, bautisando asina su gran produccion “Hey... ta Pasco!” vol. 5.

E disco compacto di momento, conteniendo cancionnan nobo, varia y tambe unico pa e temporada. Sigui despues pa e anuncio di su di dos concierto di fin di aña, pa cual e tremendo campaña di e Ticket di Oro a wordo lansa. Por cierto e campaña aki ta andando ainda, caminda bo por gana asientonan tipo VIP pa e concierto aki.

Awor, e fin di siman cu a pasa pueblo di Aruba ta ser sorprendi cu e revelacion di e gran sorpresa caminda cu Edjean Semeleer lo ta presentando e gran artista Internacional di Venezuela, esta Nancy Ramos durante e anochi aki.

Si, despues di varios simannan di preparacion pa asina por tin tur papel na ordo, a wordo anuncia cu Nancy Ramos, e gran cantante Venezolano, conoci pa su cancionnan cu ta masha popular, especialmente su cancionnan Navideño, lo ta un invitado special den e concierto “Hey...

ta Pasco! dia 9 di december proximo. Exitonan di e gran artista internacional aki manera “Que Felicidad”, “Lanza Perfume”, “Ese mar es mio”, “El año viejo” Y “Vuela la Paloma” y tambe “La Bambola”, cu nunca a sali for di nos memoria ni maske cuanto tempo a pasa, pero awor lo ser tresi dilanti en bibo aki na Aruba mes, den e gran concierto “Hey... ta Pasco!”.

Pa por presencia e artista internacional aki, conhuntamento cu nos artista, cantante, promotor, productor y tambe ehempel pa esnan cu ta bin ta siguiendo su pasonan, por cumpra bo ticket di entrada na un di e lugarnan di venta of yamando 5933790 pa asina bo no perde e mahestuoso evento aki. Mirando cu tickets ta limita, hasi uso di e oportunidad awe mes pa asina cumpra bo ticket pa bo no keda afor, pasobra manera nos ta premira e concierto aki, e lo bai ta uitverkocht dentro di un paar di dia mas.

Tambe a wordo anuncia cu ainda tin 2 ticket di oro patrocina pa Kenro Jewelers cu no a wordo haña cu a pone e organisadornan anuncia cu e campaña ta ser extendi. Pues bo por cumpra e produccion “Hey...ta Pasco!” volumen 5, pasobra ainda abo por tin e oportunidad pa gana un ticket di oro, cu lo hiba bo dilanti den e sala, na e miho mesa den

e concierto, cu snacks y bebida, hañando un trato royal. Si abo tin un di e ticket di oro aki den bo poder, yama nos awe mes pa asina nos por hasi e ticket ey oficial.

Alaves kier a hasi uso di e oportunidad aki tambe pa manda un saludo special y un gradicimento enorme na tur e companianan cu ta haciendo henter e proyecto aki posibel. Nan ta The Aruban Resort, Tiara Air, RBTT BANK, The New India Assurance, KIA Motors, Consales Aruba, Viking Freight, Island Finance, Quickstore, SETAR N.V., Gianni’s Nutrition Center, Tropical Bottling company, Ling & Sons, Trash by Ronchi y tambe Kerstboomlandia. Un gradicimento hopi special tambe ta bay na tur persona y instancia cu a coopera pa haci e proceso pa trese e artista aki, cana e bon caminda, sin ningun estorbo. Tambe na tur miembro di prensa, tanto corant, radionan y canalnan di television cu ta hasiendo e promocion di e evento aki un exito.

Nos ta invita bo, pa tey presente dia 9 di December den Renaissance Convention Center, disfrutando di un mahestuoso concierto y apoyando nos artista local esta Edjean Semeleer conhuntamente cu su cantantenan invita: Jeanedy Semeleer y tambe Nancy Ramos directamente for di Caracas, Venezuela.